

ხოზის მუნიციპალიტეტის მეექვსე მოწვევის საკრებულოს ბიუროს სხდომისა

ქ. ხოზი

2026 წლის 27 მაისი

ბიუროს წევრთა კანონით დადგენილი რაოდენობა - 11

ბიუროს უფლებამოსილ წევრთა რაოდენობა - 10

ბიუროს სხდომას ესწრებოდნენ ბიუროს წევრები:

1. გოჩა ქაჯაია
2. მამუკა ქარდავა
3. გივი ლატარია
4. ვლადიმერ ქანთარია
5. დოდო გაბუნია
6. ბექა მამაცაშვილი
7. მიმოზა ლემონჯავა

ბიუროს სხდომას თავმჯდომარეობდა გოჩა ქაჯაია – საკრებულოს თავმჯდომარე

დღის წესრიგი:

1. ხოზის მუნიციპალიტეტის საკრებულოს იურიდიულ, სამანდატო-საპროცედურო და ეთიკის კომისიის თავმჯდომარის მ. თათარიშვილის 2026 წლის 14 მაისის N51-51261341 განცხადების განხილვა („ხოზის მუნიციპალიტეტის საკრებულოს წევრის (გარდა თანამდებობის პირებისა) უფლებამოსილების განხორციელებასთან დაკავშირებით გაწეული ხარჯების ანაზღაურების წესისა და ზღვრული ოდენობის დამტკიცების შესახებ“ ხოზის მუნიციპალიტეტის საკრებულოს 2023 წლის 27 აპრილის N17 დადგენილებაში ცვლილების შეტანის თაობაზე“ დადგენილების პროექტის შესახებ);

(მომხსენებელი: მ. თათარიშვილი - ხოზის მუნიციპალიტეტის საკრებულოს იურიდიულ, სამანდატო - საპროცედურო და ეთიკის კომისიის თავმჯდომარე);

2. ხოზის მუნიციპალიტეტის საკრებულოს იურიდიულ, საფინანსო - საბიუჯეტო კომისიის თავმჯდომარის ლ. ლიპარტიას 2026 წლის 22 მაისის N51-51261428 განცხადების განხილვა („საწვავისა და სატელეფონო მომსახურების ხარჯების ლიმიტის განსაზღვრის შესახებ“ ხოზის მუნიციპალიტეტის საკრებულოს 2025 წლის 30 დეკემბრის №43 განკარგულებაში ცვლილების შეტანის თაობაზე“ განკარგულების პროექტის შესახებ);

(მომხსენებელი: მ. ქარდავა - ხობის მუნიციპალიტეტის საკრებულოს

თავმჯდომარის პირველი მოადგილე);

3. ხობის მუნიციპალიტეტის მერის დ. ბუკიას 2026 წლის 22 მაისის N50-502614240 წერილის განხილვა:

- „არასამეწარმეო (არაკომერციული) იურიდიული პირის დაფუძნებაზე ხობის მუნიციპალიტეტის მერისთვის თანხმობის მიცემის შესახებ“ განკარგულების პროექტის თაობაზე და „შპს „ხობის მუნიციპალიტეტის წყალმომარაგების“ ლიკვიდაციისთვის ხობის მუნიციპალიტეტის მერისთვის თანხმობის მიცემის შესახებ“ განკარგულების პროექტის თაობაზე;
- „არასამეწარმეო (არაკომერციული) იურიდიული პირის დაფუძნებაზე ხობის მუნიციპალიტეტის მერისთვის თანხმობის მიცემის შესახებ“ განკარგულების პროექტის თაობაზე და „შპს „ხობი დასუფთავება და განათების“ ლიკვიდაციისთვის ხობის მუნიციპალიტეტის მერისთვის თანხმობის მიცემის შესახებ“ განკარგულების პროექტის თაობაზე

(მომხსენებელი: ვ. ქანთარია - ხობის მუნიციპალიტეტის საკრებულოს

ეკონომიკისა და ქონების მართვის საკითხთა

კომისიის თავმჯდომარე)

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე - 7, წინააღმდეგი - 0

დაადგინეს: დღის წესრიგი დამტკიცდეს წარმოდგენილი სახით

დღის წესრიგით გათვალისწინებული საკითხების განხილვის დაწყებამდე სხდომის თავმჯდომარემ განაცხადა, რომ საკრებულოს იურიდიულ, სამანდატო - საპროცედურო და ეთიკის კომისიის თავმჯდომარის (მ. თათარიშვილი) არყოფნის გამო, პირველ საკითხს წარმოადგენდა, საკრებულოს თავმჯდომარის პირველი მოადგილე მამუკა ქარდავა.

დღის წესრიგით გათვალისწინებული საკითხების განხილვა

1. ხობის მუნიციპალიტეტის საკრებულოს იურიდიულ, სამანდატო-საპროცედურო და ეთიკის კომისიის თავმჯდომარის მ. თათარიშვილის 2026 წლის 14 მაისის N51-51261341 განცხადების განხილვა („ხობის მუნიციპალიტეტის საკრებულოს წევრის (გარდა თანამდებობის პირებისა) უფლებამოსილების განხორციელებასთან დაკავშირებით გაწეული

ხარჯების ანაზღაურების წესისა და ზღვრული ოდენობის დამტკიცების შესახებ“ ხობის მუნიციპალიტეტის საკრებულოს 2023 წლის 27 აპრილის N17 დადგენილებაში ცვლილების შეტანის თაობაზე“ დადგენილების პროექტის შესახებ)

(მომხსენებელი: მ. თათარიშვილი - ხობის მუნიციპალიტეტის საკრებულოს
იურიდიულ, სამანდატო - საპროცედურო და ეთიკის
კომისიის თავმჯდომარე)

მოისმინეს: მ. ქარდავა - მომხსენებელმა ბიუროს წევრებს გააცნო განკარგულების პროექტი „ხობის მუნიციპალიტეტის საკრებულოს წევრის (გარდა თანამდებობის პირებისა) უფლებამოსილების განხორციელებასთან დაკავშირებით გაწეული ხარჯების ანაზღაურების წესისა და ზღვრული ოდენობის დამტკიცების შესახებ“ ხობის მუნიციპალიტეტის საკრებულოს 2023 წლის 27 აპრილის N17 დადგენილებაში ცვლილების შეტანის თაობაზე“ და კომისიის დასკვნა განსახილველ საკითხთან დაკავშირებით (ოქმს თან ერთვის) და აღნიშნა, რომ „ხობის მუნიციპალიტეტის საკრებულოს წევრების (გარდა თანამდებობის პირებისა) უფლებამოსილების განხორციელებასთან დაკავშირებით გაწეული ხარჯების ანაზღაურების წესისა და ზღვრული ოდენობის დამტკიცების შესახებ“ ხობის მუნიციპალიტეტის საკრებულოს 2023 წლის 27 აპრილის N17 დადგენილების მე-3 მუხლი განმარტავს შემდეგს: „საკრებულოს წევრს ხობის მუნიციპალიტეტის ადგილობრივი ბიუჯეტიდან ყოველთვიურად აუნაზღაურდება საკრებულოს წევრის უფლებამოსილების განხორციელების მიზნით გაწეული სხვადასხვა ხარჯები (ტრანსპორტირების (საწვავის) და ამომრჩევლებთან კომუნიკაციის (მობილური ტელეფონით სარგებლობის) ხარჯები), რაზედაც გაწეული ხარჯის კონკრეტული ოდენობის განსაზღვრისათვის საკრებულოს აპარატის უფროსის სახელზე წარმოადგენს განცხადებას ხარჯის დამადასტურებელ დოკუმენტებთან და ამომრჩევლებთან შეხვედრის საოქმო ჩანაწერთან ერთად, არაუგვიანეს ყოველი თვის პირველი რიცხვისა.“ დადგენილების ამ მუხლის თანახმად, საკრებულოს წევრები ვალდებული არიან, არაუგვიანეს ყოველი თვის პირველი რიცხვისა, განცხადებასთან ერთად საკრებულოს აპარატის უფროსს წარუდგინონ ხარჯების დამადასტურებელი დოკუმენტაცია, რაც უმეტეს შემთხვევაში არ ხორციელდება და საკრებულოს წევრების მხრიდან განცხადებები წარმოდგენილია ხოლმე თვის 5 რიცხვისთვის. ზემო აღნიშნულის გათვალისწინებით, მიზანშეწონილად მიმაჩნია დადგენილების მე-3 მუხლში შეტანილ იქნეს ცვლილება და განცხადების წარმოდგენის ვადად განისაზღვროს ყოველი თვის ხუთი რიცხვი, შესაბამისი ცვლილება უნდა განხორციელდეს დადგენილების მე-5 მუხლშიც, სადაც აღნიშნულია, რომ

ანაზღაურება უნდა განხორციელდეს ყოველი თვის არაუგვიანეს ხუთი რიცხვისა და ეს ვადა უნდა განისაზღვროს ყოველი თვის 10 რიცხვით. ზემო აღნიშნული ცვლილებების გათვალისწინებით კომისიის მიერ მომზადდა დადგენილების პროექტი: „ხობის მუნიციპალიტეტის საკრებულოს წევრის (გარდა თანამდებობის პირებისა) უფლებამოსილების განხორციელებასთან დაკავშირებით გაწეული ხარჯების ანაზღაურების წესისა და ზღვრული ოდენობის დამტკიცების შესახებ“ ხობის მუნიციპალიტეტის საკრებულოს 2023 წლის 27 აპრილის N17 დადგენილებაში ცვლილების შეტანის თაობაზე“. გამომსვლელის განცხადებით, წარმოდგენილი დადგენილების პროექტი მომზადებულია კანონის მოთხოვნათა შესაბამისად და კომისიას მიზანშეწონილად მიაჩნია საკრებულოს სხდომაზე მისი გატანა შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი დადგენილების პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 7, წინააღმდეგი – არც ერთი

დაადგინეს: წარმოდგენილი დადგენილების პროექტი შეტანილ იქნეს საკრებულოს სხდომის დღის წესრიგში

2. ხობის მუნიციპალიტეტის საკრებულოს იურიდიულ, საფინანსო - საბიუჯეტო კომისიის თავმჯდომარის ლ. ლიპარტიას 2026 წლის 22 მაისის N51-51261428 განცხადების განხილვა („საწვავისა და სატელეფონო მომსახურების ხარჯების ლიმიტის განსაზღვრის შესახებ“ ხობის მუნიციპალიტეტის საკრებულოს 2025 წლის 30 დეკემბრის №43 განკარგულებაში ცვლილების შეტანის თაობაზე“ განკარგულების პროექტის შესახებ)

(მომხსენებელი: მ. ქარდავა - ხობის მუნიციპალიტეტის საკრებულოს თავმჯდომარის პირველი მოადგილე)

მოისმინეს: მ. ქარდავა - მომხსენებელმა ბიუროს წევრებს გააცნო განკარგულების პროექტი „საწვავისა და სატელეფონო მომსახურების ხარჯების ლიმიტის განსაზღვრის შესახებ“ ხობის მუნიციპალიტეტის საკრებულოს 2025 წლის 30 დეკემბრის №43 განკარგულებაში ცვლილების შეტანის თაობაზე“ და კომისიის დასკვნა წარმოდგენილ საკითხთან

დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის საკრებულოს ფრაქცია „ხალხის ძალის“ თავმჯდომარე მ. ლემონჯავა განცხადებით ითხოვს ფრაქციის თავმჯდომარისთვის გამოყოფილი საწვავის ლიმიტის ფარგლებში დიზელის ბენზინით ჩანაცვლებას. კომისიის მხრიდან შესწავლილ იქნა ზემო აღნიშნული წინადადება და ზემო აღნიშნულის გათვალისწინებით მომზადდა განკარგულების პროექტი: „საწვავისა და სატელეფონო მომსახურების ხარჯების ლიმიტის განსაზღვრის შესახებ“ ხობის მუნიციპალიტეტის საკრებულოს 2025 წლის 30 დეკემბრის №42 განკარგულებაში ცვლილების შეტანის თაობაზე“. გამომსვლელის განცხადებით, წარმოდგენილი განკარგულების პროექტი მომზადებულია კანონის მოთხოვნათა შესაბამისად და კომისიას მიზანშეწონილად მიაჩნია საკრებულოს სხდომაზე მისი გატანა შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ შენიშვნები მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი განკარგულების პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე -7, წინააღმდეგი – არც ერთი

დაადგინეს: წარმოდგენილი განკარგულების პროექტი შეტანილ იქნეს საკრებულოს სხდომის დღის წესრიგში

3. ხობის მუნიციპალიტეტის მერის დ. ბუკიას 2026 წლის 22 მაისის N50-502614240 წერილის განხილვა:

- „არასამეწარმეო (არაკომერციული) იურიდიული პირის დაფუძნებაზე ხობის მუნიციპალიტეტის მერისთვის თანხმობის მიცემის შესახებ“ განკარგულების პროექტის თაობაზე და „შპს „ხობის მუნიციპალიტეტის წყალმომარაგების“ ლიკვიდაციისთვის ხობის მუნიციპალიტეტის მერისთვის თანხმობის მიცემის შესახებ“ განკარგულების პროექტის თაობაზე;
- „არასამეწარმეო (არაკომერციული) იურიდიული პირის დაფუძნებაზე ხობის მუნიციპალიტეტის მერისთვის თანხმობის მიცემის შესახებ“ განკარგულების პროექტის თაობაზე და „შპს „ხობი დასუფთავება და განათების“ ლიკვიდაციისთვის ხობის მუნიციპალიტეტის მერისთვის თანხმობის მიცემის შესახებ“ განკარგულების პროექტის თაობაზე.

მოისმინეს: ვ. ქანთარია - მომხსენებელმა ბიუროს წევრებს გააცნო განკარგულების პროექტები „არასამეწარმეო (არაკომერციული) იურიდიული პირის დაფუძნებაზე ხობის მუნიციპალიტეტის მერისთვის თანხმობის მიცემის შესახებ“, „შპს „ხობის მუნიციპალიტეტის წყალმომარაგების“ ლიკვიდაციისთვის ხობის მუნიციპალიტეტის მერისთვის თანხმობის მიცემის შესახებ“ და „არასამეწარმეო (არაკომერციული) იურიდიული პირის დაფუძნებაზე ხობის მუნიციპალიტეტის მერისთვის თანხმობის მიცემის შესახებ“ განკარგულების პროექტის თაობაზე და „შპს „ხობი დასუფთავება და განათების“ ლიკვიდაციისთვის ხობის მუნიციპალიტეტის მერისთვის თანხმობის მიცემის შესახებ“ და კომისიის დასკვნები წარმოდგენილ პროექტებთან დაკავშირებით (ოქმს თან ერთვის) და აღნიშნა, რომ 1) ხობის მუნიციპალიტეტის მიერ დაფუძნებულია შპს „ხობის მუნიციპალიტეტის წყალმომარაგება“ და იგი ფუნქციონირებს როგორც სამეწარმეო იურიდიული პირი, რომლის ძირითადი მიზანია საქმიანობის შედეგად მოგების მიღება. მერიის განმარტებით შპს-ის საქმიანობის ანალიზის საფუძველზე დადგინდა, რომ აღნიშნული ორგანიზაცია ვერ უზრუნველყოფს სამეწარმეო მიზნების სრულფასოვან განხორციელებას. მისი ფუნქციური დატვირთვა და საქმიანობის სპეციფიკა ძირითადად მიმართულია მოსახლეობისათვის სასიცოცხლოდ მნიშვნელოვანი მომსახურების - წყალმომარაგების უზრუნველყოფაზე, რაც არსებითად წარმოადგენს სოციალური და საზოგადოებრივი ინტერესის მნიშვნელოვან სფეროს და შპს-ის საქმიანობა ძირითადად სუბსიდირებულია მუნიციპალიტეტის ადგილობრივი ბიუჯეტიდან. ამასთან, მოქმედი ტარიფები, ხარჯების სტრუქტურა და ინფრასტრუქტურული საჭიროებები არ იძლევა შესაძლებლობას ორგანიზაციამ მიიღოს შესაბამისი ფინანსური მოგება. შესაბამისად, შპს-ის ფორმატში ფუნქციონირება არ არის ეფექტიანი და ვერ პასუხობს მუნიციპალიტეტის წინაშე არსებულ ამოცანებს. აღნიშნული სახელმწიფო აუდიტის სამსახურის მხრიდან აუდიტორული შემოწმების დროსაც რამოდენიმეჯერ აღინიშნა. ვინაიდან მოქმედი კანონმდებლობის შესაბამისად სამეწარმეო საზოგადოება შეიძლება გარდაიქმნას მხოლოდ სხვა სამართლებრივი ფორმის სამეწარმეო საზოგადოებად, მერიის მხრიდან მიზანშეწონილად იქნა მიჩნეული, მუნიციპალიტეტის მიერ დაფუძნდეს ახალი კერძო სამართლის იურიდიული პირი არასამეწარმეო (არაკომერციული) იურიდიული პირის სამართლებრივი ფორმით, რომლის უფლებამოსილებად განისაზღვრება ანალოგიური ფუნქციები, ხოლო შეზღუდული პასუხისმგებლობის საზოგადოების სამართლებრივი ფორმით არსებული „ხობის მუნიციპალიტეტის წყალმომარაგება“ დაექვემდებაროს

ლიკვიდაციას ახალი იურიდიული პირის დაფუძნების, ორგანიზაციული საკითხების მოწესრიგებისა და სრულად ამოქმედების შემდგომ. ზემოაღნიშნულიდან გამომდინარე, ხობის მუნიციპალიტეტის მერიაში მომზადდა განკარგულებების პროექტები „არასამეწარმეო (არაკომერციული) იურიდიული პირის დაფუძნებაზე ხობის მუნიციპალიტეტის მერისთვის თანხმობის მიცემის შესახებ“ და „შპს „ხობის მუნიციპალიტეტის წყალმომარაგების“ ლიკვიდაციისთვის ხობის მუნიციპალიტეტის მერისთვის თანხმობის მიცემის შესახებ“. 2) ხობის მუნიციპალიტეტის მიერ დაფუძნებულია შპს „ხობი დასუფთავება და განათება“ და იგი ფუნქციონირებს როგორც სამეწარმეო იურიდიული პირი, რომლის ძირითადი მიზანია საქმიანობის შედეგად მოგების მიღება. მერიის განმარტებით შპს-ის ძირითად საქმიანობას დაფუძნებისას წარმოადგენდა მუნიციპალიტეტის ტერიტორიის დასუფთავების და ნარჩენების გატანის მომსახურება, რასაც დროთა განმავლობაში მუნიციპალიტეტის საჭიროებების მიხედვით სხვადასხვა ფუნქციებიც დაემატა. დღეის მდგომარეობით, შპს-ის საქმიანობა ვერ ამართლებს როგორც მის სახელწოდებას, ასევე სამართლებრივ ფორმასაც, რადგან იურიდიული პირი ფაქტობრივად არ შეესაბამება სამეწარმეო სუბიექტისთვის დამახასიათებელ, მოგებაზე ორიენტირებული საწარმოს პრინციპებს. აღნიშნული სახელმწიფო აუდიტის სამსახურის მხრიდან აუდიტორული შემოწმების დროსაც რამოდენიმეჯერ აღინიშნა. ზემოაღნიშნულიდან გამომდინარე, მერიის მხრიდან მიზანშეწონილად იქნა მიჩნეული, მუნიციპალიტეტის მიერ დაფუძნდეს ახალი კერძო სამართლის იურიდიული პირი არასამეწარმეო (არაკომერციული) იურიდიული პირის სამართლებრივი ფორმით, რომლის უფლებამოსილებად განისაზღვრება სხვადასხვა მუნიციპალური სერვისი, ხოლო შეზღუდული პასუხისმგებლობის საზოგადოების სამართლებრივი ფორმით არსებული „ხობი დასუფთავება და განათება“ დაექვემდებაროს ლიკვიდაციას. ვინაიდან მოქმედი კანონმდებლობის შესაბამისად სამეწარმეო საზოგადოება შეიძლება გარდაიქმნას მხოლოდ სხვა სამართლებრივი ფორმის სამეწარმეო საზოგადოებად, მიზანშეწონილად იქნა მიჩნეული, მუნიციპალიტეტის მხრიდან დაფუძნდეს ახალი კერძო სამართლის იურიდიული პირი არასამეწარმეო (არაკომერციული) იურიდიული პირის სამართლებრივი ფორმით, რომლის უფლებამოსილებად განისაზღვრება ანალოგიური და ასევე ახალი, დამატებითი ფუნქციებიც, ხოლო შეზღუდული პასუხისმგებლობის საზოგადოების სამართლებრივი ფორმით არსებული „ხობი დასუფთავება და განათება“ დაექვემდებაროს ლიკვიდაციას ახალი იურიდიული პირის დაფუძნების, ორგანიზაციული საკითხების მოწესრიგებისა და სრულად ამოქმედების შემდგომ. ახალი კერძო სამართლის იურიდიული პირი სრულად იქნება ორიენტირებული მუნიციპალიტეტის მოსახლეობისა და ზოგადად,

საზოგადოებრივ ინტერესებზე და მის ფუნქციებად განისაზღვრება ისეთი სახის მუნიციპალური სერვისები, რომელიც მუნიციპალიტეტის სხვა იურიდიული პირის უფლებამოსილებას არ წარმოადგენს (მაგ: კომუნალური და საზოგადოებრივი სერვისები, მათ შორის: ნარჩენების მართვა, საზოგადოებრივი სივრცეების მოვლა-პატრონობა, გამწვანება, მუნიციპალური ინფრასტრუქტურის მცირე სარემონტო და ტექნიკური მომსახურება, გარე განათების მოვლა-პატრონობა, შინაურ ბინადარ ცხოველთა მართვა და მსგავსი), რის საფუძველზეც ასევე სრულად იქნება უზრუნველყოფილი მუნიციპალიტეტის უფლებამოსილებების განხორციელება სხვადასხვა მიმართულებით. ზემოაღნიშნულიდან გამომდინარე, ხობის მუნიციპალიტეტის მერიაში მომზადდა ხობის მუნიციპალიტეტის საკრებულოს განკარგულებების პროექტები „არასამეწარმეო (არაკომერციული) იურიდიული პირის დაფუძნებაზე ხობის მუნიციპალიტეტის მერისთვის თანხმობის მიცემის შესახებ“ და „შპს „ხობი დასუფთავება და განათების“ ლიკვიდაციისთვის ხობის მუნიციპალიტეტის მერისთვის თანხმობის მიცემის შესახებ“. გამომსვლელის განცხადებით, წარმოდგენილი განკარგულების პროექტები აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია მათი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ შენიშვნები მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი განკარგულების პროექტების საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 7, წინააღმდეგი - არც ერთი

დაადგინეს: წარმოდგენილი განკარგულების პროექტები შეტანილ იქნეს საკრებულოს სხდომის დღის წესრიგში

დღის წესრიგით გათვალისწინებული საკითხების განხილვის შემდეგ ბიუროს სხდომა დახურულად გამოცხადდა.

სხდომის თავმჯდომარე



გოჩა ქაჯაია